

Kuźnia

Blaf

Miesiόνczek był w pełni
Koło niego gwiozdy
Śpiychoł jo ku cugu
Co na nocznióm jeździ
Był żech pod kopcym
Kapla na nim stoi
Tu tego miejsca jo
Strasznie sie bojim

Pod kopcym je kuźnia
Już pieknie staro
Oni se od downa
Tak opowiadó
Snodzi na strómie
Co rośnie wedla ni
Powiesił sie kowol
Z żónóm aj dziećmi

Świyciła lampa
Na miejsce zgrozy
Mie straszić zaczęły
Duchi z narkozy
Ze zymie sie dłógi
Rynczisko dźwigo
Szkrobie sie po pniu
Fakt sie mi ścigo

Už widzim skoro
Całóm postawe
Obie rynce nogi
Strzapatóm głowe
Puści sie pnioku
Do trowy spadauje
Mie z tego strachu
Biere na prujem

Gdo to, utopiec?
Czi duch kowola?
Albo żeby to był
Z bażynów Jožo?
Chcioł´ch tamstyl zmyknyć
Wszak podle głosu
Żech poznoł, że to je
Kolega Kazio

U strómu narzyko
O pómóc prosi
Kapke´ch to przegnoł
Už nie chcóm nosić
Dali moje ciało
Nieposłószne nogi
Aj to sie stanie
Je dziyń zalohi